

第八

皇朝道咸同光奏議

洋務類交涉

時結暹羅襲取西貢疏 光緒九年十二月初十日

彭玉麟

竊照法夷吞噬越南占踞西貢已二十年現復由河內拿占宣泰山西北圻勢頗危急其偏袒越人立約欲中國不預紅河南界之地及許在雲南蒙自縣通商顯係圖我滇疆冀奪五金之利不特滇粵邊境不能解嚴即廣東天津亦未知撤防何日彼以虛聲我以實應數年之後疲於奔命必至財力俱窮臣查夜思維寢不安席疊奉 寄諭飭各軍堅守北圻以固滇粵門戶然自唐炯無故退兵劉永福大受其累旋至山西不守前奉 寄諭飭總理衙門照會各國告以法如侵及我軍駐紮之地即不能坐視等語然昨准廣西撫臣徐延旭來函前月十七日法夷攻犯山西正官軍駐紮地也旗號滿布竟敢直前進攻是彼族業已明目張膽無所顧惜刻下滇粵官軍分途進取皆是正面文章必須用間出奇別開生面以假虞伐虢之謀為圖魏敕趙之舉大局庶有轉機冀端生脅腦後下針此之謂也據臣軍營務處候補道王之春密稟現有三品銜候選道鄭官應廣東香山人自幼從海舶遍歷越南暹羅新嘉坡等處熟悉洋務現辦上海招商局及織布機器局南北電報局與王之春共事有年每談及法苗蹴越尋釁廣東同深義憤據云暹羅國王鄭姓廣東人尊敬中國用漢人為官屬現有掌兵政者六人如中國之總督皆粵人也其人夙重鄉誼與鄭官應熟識談及法越之事亦為不平且引為他國切膚之患伊國與越之西貢毗連嘗欲出其一不意攻具不備由暹羅濟師以襲西貢先覆法酋之老巢又暹羅極東邊境為英國所闢者曰新嘉坡地極富庶粵人居此者十餘萬中國設有招商分局即西貢現亦有招商分局均係鄭官應所司擬懇重賞密約兩處壯士俟暹國兵到時舉火內應先奪其兵船焚其軍火以期聚殲此二端似有把握惟木奉 朝旨未敢舉動私相歎息而已今疊奉 諭旨明示決裂與法夷決戰鄭官應恰有信來求為 奏調由港回粵親赴暹羅西貢新嘉坡等處密約布置機有可乘等語臣查越南所都曰富春而以廣南嘉定為西京即西貢也距富春千餘里法苗圖越以此地為根本壤接暹羅遍考圖志雍正乾隆兩朝先後 賜御書匾額於暹羅曰天南樂國曰夫服屏藩乾隆三十六年暹羅為緬甸所滅遣臣鄭昭粵人也復土

報仇衆推為主昭辛子華嗣五十一年 錫封暹羅國王十年一貢其人止尊中國而不知有他國用漢人為官屬理國事

掌財賦皆粵人為多與鄭官應之言皆相脗合則其言可信矣又考明萬曆中平考吉破朝鮮時暹羅自請出兵為日本以牽

其後漢撫陳用賓約暹羅夾攻緬甸緬疲於奔命遂不復內犯永歷困於緬暹羅復起兵攻緬以援李定國之師其忠於明

是乾隆中緬甸不臣得暹羅夾攻而緬始納貢阮光平篡黎氏養海盜寇重洋及暹羅助阮福映滅新阮俘獻海盜而南洋始

肅清其忠於 本朝又若是然則暹羅之能助順可信矣令越南事棘滇兵未到劉永福獨力難支北圻萬分喫緊臣擬密

飭鄭官應潛往各該處妥為結約告以封豕長蛇之患輔車唇齒之依該國又夙稱忠順鄉誼素敦倘另出奇軍內應外合西

貢必可潛師而得惟是言易行難其中有無窒礙先令密速探明事有端倪臣再派王之春改裝易服同往密籌屆期密催在

越各軍同時並舉而不明言其故西貢失則河內海防無根法人皆可驅除越南或可保耳昔陳湯用西域以破康居王元策

用吐蕃以擣印度皆決機微外不由中制用能建非常之功我 國家厚澤深仁自應有此得道之助惟此舉若成則西貢

六府自應歸併暹羅庶能取亦復能守蓋西貢為越之南圻係嘉慶初阮福映兼并占城及真臘北境非安南故土志稱安南

南北三千七百里東西一千五百里係專指北圻言也阮氏有西貢而不能守被法人奪占二十餘年暹羅能得之阮氏豈能

復問傾覆栽培在 聖朝亦因材而篤而已臣現附片奏調鄭官應伏乞 飭用電報傳知以免南北洋大臣奏留致稽

時日除俟辦有端緒再行密報並預籌越南善後事宜屆時密奏外所有暗結外援乘虛襲擄西貢各緣由理合先行密陳伏

乞 皇太后 皇上聖鑒再此舉惟 與王之春鄭官應等數人知之其餘軍中將領與中督撫概未與聞以昭慎密

合併聲明

力阻和議片 光緒十年四月二十八日

再 正封指間適接督臣張樹聲緘致總署電音得悉署直隸督臣李鴻章方與法商議款聞之不勝駭異伏維法夷札

上同仇 臣昨奉光緒十年三月二十六日 上諭飭臣等振刷精神竭誠籌辦防務臣當宣示各軍莫不踴躍爭先思

奮乃甫數日而忽有議款之舉母得阻赴義之心而被敵愾之氣況今日法夷有斷斷乎不可教者臣素思體念其言味有不

各已於言者請為 皇太后 皇上一一陳之法夷無端生衅殘我屬國及我出師保護又復肆其兇突撓敗我師迄

臣素思體念其言味有不

今並未大加懲創遠與議和但以張

國威示天下

不可許者一法夷並未受創緒然請款是必中藏詭譎或怠我師而徐

乘其後或緩我謀而誤以多方其害無窮不可許者二既與議款不索兵費更為巨測該夷惟利是視忽棄目前所索巨萬之

費不言但言越境通商其中不免有詐恐將來必有十倍取償於後者瘠中華以奉島夷飾目前以釀邊患不可許者三以一

外強中乾之法夷憑陵我藩服吞噬我疆土堂堂中華不動遠略不問其罪轉降心相從以就其和使之此次得志而效顰法

夷者必信信然環向而起是款一法夷而轉來無數法夷也群謀日滋隱憂方大不可許者四雲南物產富饒五金之礦翠玉

之璞豈稱於世久為西人所垂涎若與議款必由蒙自以內許其通商迨為日既久形勢險隘彼皆周知廣傳邪教以張羽翼

一旦竊發不僅通商將何以支不可許者五此五不可者人人知之價漫不加察貿貿焉亟與議和以為國計萬全臣固未敢

信也法夷自通商以來前於天津教堂一案即思啟端以償其所大欲適為普人所窘旋即中止狡謀越南為自強之計我中

華果以全力決戰審用兵籌餉分量彼族萬難久持故先為恫喝以速其和又貌為恭順以工其術其實鬼蜮伎倆窮矣此揣

敵情而可戰者一也我朝以神武開基將帥得人遠軼前古嗣平髮捻之亂亦忠勇輩出賞其餘勇似足定邊憶前議防

俄之時奉旨著京外保薦人材即以將才不易存者什一為慮再閱數年老成凋謝盡矣雖據外不必定用安內之才而

有識究須有膽曷若及時精選宿將俾講求以柔克剛以散敵整之法以盡其長此論將才而可戰者二也道光年間夷虜初

聞廣東三元里圍練義聲至今猶在此外各省因事激憤之案層見疊出亦見民間不平之氣不可遏抑越南劉義亦中華民

也竄伏荒裔自全不暇猶能尚義屢殲法夷各省山陬僻壤不乏英豪聞與夷戰莫不聽難起舞共發雄心願效死力此察民

情而可戰者三也查萬國公法有可節取者在戰分義與不義一節如興戰不義傷害天理不獨可以理喻並可以力止等情

深與齊人伐燕之議暗合亦足徵萬國之公也我朝定一面通飭各督撫臣大張曉諭於通商和好各國極力保護專與

法夷絕好准各義民誅其天主教士燬其天主鬼樓罷其駐京法使撤其生意馬頭既消明藥不虞多蔓此採公法而可戰者

四也語云師直為壯曲為老今兵端自法夷開窮兵黷戰掠地爭城欺侮太甚實為萬國公法所不容宜歷數法夷罪狀布告

中外使咸知理曲在彼直在我不得已而用兵伐罪明有日月幽有鬼神其鑒此衷應蒙默佑此卜天理可戰而決必勝者五

也有此五可亦人人知之儻失此機宜恐我中華永無自強之日其將如天下後世之非議何伏乞我朝廷乾剛獨斷嚴

洋務類 文法

朝廷乾剛獨斷嚴

飭沿海各疆吏及各將領防務不可一刻稍懈尤須洗心易慮卧薪嘗膽各矢天良修矛偕作憤切同仇以與法夷從事臣雖
衰朽無似斷不敢惜此病軀殘喘稍存畏憚尚當獎率將士為各軍先惟宜和宜戰大句攸關 聖明洞鑒自有權衡原非
臣下所敢妄議微臣老病昏眊在軍言軍謹冒昧將所有不可疑而可戰緣由披瀝附片具陳不勝惶悚待罪之至

請 飭照會通商各國片 光緒九年九月十九日

彭玉麟

再師以曲直為老壯上兵伐謀其伐交古之制也現在通商者二十餘國而法人獨敢吞嚙越南志在窺我滇邊垂涎銅礦
之利各國坐觀成敗殆先以法人嘗試中國耳然使法人竟獨擅富強之利則諸國又將因始生忌不令獨占便宜此情勢所
必然也目下既命將出師自應將不得已而用兵之故明白宣示各國使知其曲在彼因以攜其黨而敗其謀應詳 敕下
總理各國衙門照會通商之二十餘國告以各國通商有年彼此利益各守條約無詐無虞此萬國公法所從出也乃法國包
藏禍心明知越南世奉中國朝貢乃竟恃強凌弱違約稱兵 朝廷早欲應援以恐傷和好隱忍未發前月法使脫利古乘
兵船來津有大隊兵船至廣東尋釁之說恫喝要求詭計叵測我 皇上赫然震怒命將視師彼若前來即與決戰兵端開
自彼國不得已而為應敵之師曲直之判皆諸國所周知也第海上用兵商船裹足於各國通商事宜不無妨礙以一國違約
之故致礙全局咎有專歸想諸國自有公論又中國軍民不識外國旂號將來戰守之際誠恐各國商船經過軍民誤認敵船
致有波累亦須預防以免輕輟如此立言明示利害曲直之故諸國必不敢暗中助逆至預杜轉輟一層尤屬自占地步竊謂
無論有戰事無戰事而此項照會似在必行此後儻別有要求亦斷不可輕易允許

廣軍會合桂省主客各軍力戰破敵實情疏 光緒十一年

欽差大臣 彭玉麟

竊惟廣東奏派馮子材王孝祺兩軍入越協剿當於上年十二月奏明在案至本年正月二月間諸軍保關復諒大挫凶鋒當經
前廣西撫 潘鼎新隨時電 奏 臣等僅於桂甯所不及者間有 奏陳惟來電與各路稟報頗多異同深恐或有承差挂漏
即不足以服將士之心現在欵議組成邊防猶亟謹將詳實戰狀上為 皇太后 皇上陳之查上年十二月法虜大
股自船頭來犯十九日攻谷松二十九日陷諒山本年正月初九日入鎮南關桂軍將領楊玉科戰歿董履高重傷諸軍多潰
惟蘇元春所部及陳嘉六營尚完於是法踞諒山於關外十里之支洲州築臺安砲為堅守計龍州為全軍後路商民驚徙游

勇肆掠逃軍難民蔽江而下廣西全省大震自太平南甯以達潯梧皆電報所通水路所達紛紛告急請兵桂林空虛倥傯善補先是幫辦軍務前廣西提臣馮子材暨廣西右江鎮總兵王孝祺於臘月先後抵龍而募軍未足裝械未齊王孝祺率數營馳援出關而諒已潰馮子材原有之八營尚在東路僅帶中軍兩營駐龍州元旦聞警乃留一營彈壓根本親率一營赴南關與王孝祺軍攔截潰勇一面調八營來關昭商撫臣潘鼎新告以中關無須該軍令仍顧東路遂以所部全紮關外派站親往督剿初九日南關告警復檄西援十二日聞信折回時法已於十一日晨焚關自退馮子材素有威惠為越桂人心所嚮還入關衆心稍定乃建議於關內十里之關前隘跨東西兩嶺間督所部築長牆三里餘外掘深塹為扼守計謂桂軍宜稍養銳自任以所部卒軍守之營於嶺半令王孝祺勒軍屯於其後半里許為犄角當是時幫辦軍務署廣西提督臣蘇元春殺新軍陳嘉鎮南軍俱屯幕府在關前隘之後五里將宗漢廣武軍方友升親軍俱屯憑祥在幕府後二十里潘鼎新率鼎軍屯海村在幕府後六十里魏綱鄂軍屯乂瓦防光封在關西百里王德榜定邊軍屯油隘專備抄截兼防入關旁路在關外東三十里獨廣軍兩枝當中路前敵時值北海封口西電皆謂法將由欽廉攻南甯斷桂軍後路而廉州並無統將等因桂軍漸集擬調馮軍回顧欽廉又恐難於移動當經電奏調廉仍令馮子材酌度進退緩急一面詢商該幫辦或全移或只調兩營或全不移動聲言即日東援以定衆心聽其斟酌因潘鼎新屢電不以馮軍為得力必不肯言留故令該幫辦自酌知其力任大局必有權度旋接潘鼎新覆電謂蘇元春自光封調回即令馮軍回廉馮子材覆電則言該軍喫重兩營亦難移調當即電復令其專顧桂防不必援廉此正月中旬以後廣軍布置扼守前敵之實在情形也於時馮部全軍已成桂軍休息漸定越人密報法將出扣波襲光封攻收馬繞出南關以北且斷唐景松馬威治兩軍歸路蘇元春率軍督魏綱軍趨光封以待馮子材遣五營扼扣波以邀之二十七日法數十騎率教匪至光封官軍先在驚走扼扣波之馮軍突出奮擊敗遁獲其獸軍火大象一擒匪黨一二月初二日法人又爭扣波遇馮軍脫洋衣洋帽桂林木而竄光封即長定府法以越官長定府知府給已殺其子遂無西犯意馮子材請於潘鼎新調蘇軍還中路法揚言將以初八九日犯關馮子材料法必於初七日禮拜一出兵決計先發制敵群議多不欲戰潘鼎新以士氣未復止之馮子材力爭率王孝祺軍於初五夜出關襲敵山有賊壘三安巨砲我軍已入街心自五鼓戰至初六日午刻賊益盛王孝祺馬中砲斃易騎戰死士由山後攀崖而上破其二壘斃賊甚多賊敗走我軍傷亡

亦多未刻我軍饑疲乃還此二月初五初六兩日廣軍倡議出關力戰破壘之實在情形也初七日法果悉起諒山之眾併力入關直撲關前隘長墻攻廣軍營壘馮子材告諸軍曰法再入關有何面目見粵民何以生為王孝祺以淮軍為龍州人所詬病諸軍多輕之憤甚皆誓與長墻俱死法以開花砲隊循東西兩嶺互進向下轟擊以槍隊撲中路法謂越人皆馮內應自以真法兵居前黑兵次之西貢洋匪又次之救匪客匪在後砲聲震天遠聞七八十里外山谷皆鳴槍彈積陣前厚者至寸許我軍死戰傷亡殊多東嶺新築五壘未成為敵攻路其三王孝祺自率小隊抄敵後仰攻敵稍却戰至申刻蘇元春援軍至合力拒戰諸軍竟日不食至夜仍未收隊是日王德榜自油隘出軍夾擊踞文淵之對山與敵鏖鬥數時互有傷亡遇賊運軍火乾糧之馱馬無數逐之皆返走法糧械遂不得入關初八日清晨復大戰賊來益眾砲益緊馮子材居中蘇元春助之王孝祺當右陳嘉蔭宗漢當左右路即東嶺敵砲最猛馮子材與諸統領約有退者無論何將遇何軍皆誅之復於各路設卡以截殺逃者馮子材王孝祺各又退卒數十人賊勢狂悍致死已薄長墻或已越入馮子材年將七旬短衣草履持矛大呼躍出長墻率其兩子馮相榮馮相華搏戰將士齊開柵門湧出諸軍親馮子材如此無不感奮關外游勇客民千餘聞馮子材親出陣首自來助戰伺便隨處狙擊馮軍扣波五營自關外西路夾擊其背於是諸軍合力死鬥短兵火器雜進王孝祺部將潘瀛率隊櫻鋒袒臂裸體衝入敵陣故所部勤勇傷亡最多陳嘉蔭東嶺三壘將宗漢繼之七上七下陳嘉蔭四傷不退至酉末王孝祺已將西路賊擊敗親率軍由西嶺抄敵後與陳嘉蔭等合擊而王德榜之軍亦自關外夾擊東嶺之背遂將三壘全數奪回是日王德榜自清晨出軍甫谷待敵援賊至率隊衝之賊截為二援賊因回槍擊德榜軍我軍奮擊大勝部將張春發蕭德龍戰最勇斃法酋法匪甚多餘眾敗走獲其驃馬五千餘匹所馱皆槍砲彈藥餅洋銀之屬德榜遂自外夾擊東嶺奪回三壘法鏖戰兩日彈礮已盡而後收隊軍火被截惶懼無措頃刻間礮聲頓息遂大潰我軍任意斬殺賊翻崖越澗而竄教匪路熟先逸法兵多殲此戰所斃真法兵黑兵千餘法酋數十客匪教匪數百逐出關十里而還是日馮子材王孝祺身畔屢有開花礮子墜落未炸我軍屢與法戰被挫之時率皆陰雨霧霧是日大開晴霽風日光明此初七初八二日廣軍會合桂省主客各軍血戰大捷之實在情形也初十日馮子材親率十營出之攻文淵州法匪望風潰遁追擊斃紅衣法酋一遂復文淵州法以越官文淵州知州通馮剖其腹殺之而去十二日諸軍三路攻諒法踞諒城固守並扼對河北岸之驅驢墟墟有王德榜舊壘甚固黎明王

德榜進攻之士卒多傷斃其六畫兵總一午後諸軍至王德榜與王孝祺兩軍戰尤力傷亦多孝祺部將潘瀛執旗先登諸軍並進克之法涉水而逃併守諒城十三日五鼓馮子材軍楊瑞山劉汝奇等潛渡河攻諒長刻克之獲其軍械糧米無算皆納之於官軍無私焉諸軍大至法悉眾適分兵追剿桂軍楚軍追中路廣軍追西路十五日陳嘉攻谷松賊勢仍悍王德榜力援克之斬三畫法酋一馮子材軍追賊至觀音橋破其巢同日克復屯梅屯梅即長慶府生擒五畫法酋一斬三畫法酋一遂進軍克拉木逼攻即甲即甲即諒江府王孝祺進軍貴門關連日諸軍追殺搜獲法兵極多盡復去年官軍所駐邊界此初十日至十五日廣軍會合諸軍分兵追剿獲勝復界之實在情形也越人久苦法虐聞馮子材此次起家治兵欣若望歲越官越民多來入關通款當即密布問謀官慰招徠及克諒後遂慨然盡掃邊北圻之計越官北甯總督黃廷經糾集各路義民立憲義五大團二萬餘人皆建馮軍旗號供糧米作鄉導或分攻或助戰北甯城內逃潰大半李揚才之弟在北甯來報官軍破即甲彼即率眾內應馮子材各許官賞分給旗榜河內海陽太原等處皆密受約信紛紛叛法西貢亦以重金購綫通款已令莫善喜一軍由欽州襲廣安時唐景崧一軍亦由牧馬進窺太原馮子材已定於二十五日親率全軍進窺北甯並率勤軍同進適奉停戰撤兵之旨乃止前軍馮紹珠麥鳳標等於二十九日尚攻即甲是夜前軍聞旨乃還自三月十四五日起廣

桂楚鄂諸軍連環捲緊至二十日皆撤入邊馮子材之軍分屯樟山平南關林橋等處王孝祺軍屯彬橋此二月十六日以後三月二十日以前廣軍進窺北甯邊

旨凱撤還界止防關內之實在情形也竊惟法虜自去秋敗盟以來據閩團臺增兵踞越攻犯桂軍諒隘關失以後大局岌岌此戰若再不利則南太將危欽廉隔絕兩越事體殆難措手幸賴

國家威福宏遠 詔令嚴明諸將同心士卒效命遂獲大捷克復越南一省一府一州擒斬法酋六畫至一畫數十法提督尼忌理亞重

傷法之精銳盡殲客教離散全越驚擾法人自謂入中國以來未有如此次之受鉅創者時滇軍亦獲大捷於是法都震懾

天威舉國嗟怨將其外部花利罷黜倉卒乞款 聖上寬仁不欲黷武俯允其請休兵息民是此戰勝負之所關實非淺

鮮在前敵親見戰事者僉言法二次犯關非有生力大軍難遽言戰非馮子材創築長牆與王孝祺合軍死守則諸軍無所依

倚更無戰守之法當初六七廣軍苦戰兩日之後非蘇元春軍往援陳嘉將宗漢力拒東領則馮軍亦將不支非王孝祺疊次

肉薄陷陣橫衝敵堅則馮蘇諸軍亦不能取勝非王德榜截其後路斷其軍火關內外夾攻則亦不能如此大潰然非馮子材

之素得人心忠勇奮發鎮邇安民戡掠收潰設險倡戰敵情散賊黨廣援應則法亦不至如此摧破瓦解惶駭遠遁故諸將皆有功而尤以該幫辦為功首然非李東衡之廉勤公誠堅鎮龍州力持危局上匡撫臣下調諸將弔危恤傷多方慰勞以撫殘軍苦心搏節悉力供賞以勵勇士糧餉軍火不分主客隨宜接濟則諸將亦不能成功該護撫臣之指挂挽回其功不細凡此皆參考各路電報稟函採訪關內外軍民輿論並詢訪自龍來粵人員公論確情俱出之一轍其廣軍屢次出力傷亡員弁勇丁已由臣之洞咨照蘇元春李東衡案同各軍奏請獎卹不致慮有湮沒 聖主明見萬里優獎戎行其應如何 特頒懋賞 朝廷自有權衡惟是敵情軍勢將略民心臣等既考察詳實不敢不詳晰上陳不惟知以前之戰狀亦可以善後日之邊防

欽議雖定仍宜備戰以誌後患疏 光緒十一年

欽差大臣 彭玉麟

竊臣前接總署轉電光緒十一年二月二十二日奉 旨法人現來請和業經允其所請約定越南宣光以東三月初一日停戰十一日華兵拔隊撤回等因欽此臣比即電致總署萬萬不可先撤兵中其狡謀乞為代 奏二十七日復接總署轉電本月二十六日奉 旨彭玉麟電奏請飭統兵諸臣仍紮原處等語撤兵係照津約斷難失信昨已將辦理此事全局利害

諭知張之洞著即給與該尚書閱看自可了然且撤兵回界仍係整軍嚴防彼即挾詐背盟我亦有備無患該尚書等惟當懷遵前旨迅速辦理毋誤事機欽此伏讀之餘仰見 聖謨深遠籌策萬全於議和息兵之中仍寓思慮預防之意莫名欽服但臣區區愚慮尚有不能已於上瀆 宸聽者請更陳之我 聖朝政崇寬大待島族過於優容決無自我橫啓釁端

之事彼族知其然也而以為畏之遂日肆其欺侮而悍然固顧然如琉球之未復伊犁之讓界兵端未開猶可說也岫瀨

朝廷赫然震怒命將出師迄今三載本年二月十三日諒山大捷 天討方張乃津約忽以欽局終事墮其術中益見輕於

彼矣彼族大羊成性景獵為心如市井無賴小人惟利是趨安知信義按其趨利之心存一見輕之意見我之兵衛已撤全越

悉為彼有險要已失藩籬洞開安有不乘機侵軼之理若待至此而始悔失計不亦晚乎且上年津方定約彼即犯越之觀音

橋我兵方撤入關彼即肆擾臺灣前事固昭昭可鑒今復徂其故智以欺敗我我復信之堂堂中華任其玩弄於股掌而毫不

省覺臣愚恐諸國聞之謂吾華之易與也亦必從而生心羣思因我以為利邊鄙之患其有已時哉抑臣更有慮者西國覬覦

中土多歷年所彼其用兵於我急而請款者夫豈有愛於我而講信修睦哉其必有所圖也明矣自海上告警以來召將徵兵購船製械天下騷然糜餉已數千萬及布置粗定兵機漸利彼乃以一和字誤之而我所用經費盡成虛擲如此行之數四海內罷敵勢必不支不得已一惟和之是從由是當事者以和為得計無復自強之謀領兵者以和為固然潛銷致果之氣邊疆要隘又以屢和之故武備懈弛而不修一旦黠虜挾其堅船利礮號召彼類環起而與我為難其時財用既匱兵氣不揚天下大局將有不堪設想者此其用心至深設謀至毒而其勢殆將必然故臣每一念及輒中夜以興繞帳彷徨不能一刻稍安也昔趙宋南渡韓劉諸將百戰抗金岳飛力圖恢復長驅北向幾復中原乃秦檜主和金牌遽召還終宋之世訖不復振何則戰則氣以厲而彌奮故可進於強和則氣以餒而益偷故日趨於弱宋之已事固其明效大驗矣方今款議已定自難中改然黠虜無信事未可知伏乞 嚴飭沿海各疆臣及各將領嚴備陸師戰守外瀕海如天津吳淞福州廣東臺灣等處應趕緊添造大小鐵甲戰船每口至少必須十餘隻各另成一軍募各海島精壯漁戶熟習風濤沙水之性者編為各船之勇免使為敵人募用以成奸細精選久於水師身經百戰健將為之管帶勤加操練靜以待之庶幾立自強之基萬一敵復敗盟狡焉思逞即永絕其好一意從事於戰內外臣工復有敢以議款之說進而損威納侮者應請照十年七月十五日 上諭交刑部治罪嚴旨批切自宜懍遵斷不可一誤再誤仍蹈故轍圖一時之苟安貽無窮之隱患惟務聲罪致討大張撻伐必令俯首帖耳就我衝勒不敢復肆鴟張而後已如此則 國家之威靈遐暢彼族之窺伺隱銷四海永清寰宇蒙休矣 微臣愚陋不知避忌謹披瀝血忱由驛馳陳

縷陳選將練兵情形疏 光緒十一年

會辦雲南軍務 前湖南提督 鮑超

竊 由廣西歸順進紮收馬達次准督臣岑毓英函商往河陽會剿當即折回行抵馬白關准兩廣督臣張之洞咨奉電

寄法人請和已允停戰撤兵着毋庸出關等因欽此仰見 聖主柔遠息兵之至意惟將領忠勇性成聞之皆捶胸跌足怒

目豎眉恨未能戰統領徐連季金聲向世珍周鵬舉並諸將俯伏帳前力請兼程一戰營務處何應鍾則求迅速拜摺請戰

甘從軍法 諭之不應揮之不退更叩頭不起言詞激烈至於涕泣 行止兩難心如錐刺不得已乃獨責營務處以違

命悖理更委婉慰退諸將然心中焦灼廢寢忘餐欲上言請戰不但干違

旨之愆而且恐勞

聖慮欲極言停戰

不但阻將士之氣而且恐懈軍心以奴才蒙三朝之恩當五旬之後久積憤懣之懷幸奉主戰之

旨於此而不圖報國

後恐圖報無由於此而不期誅法後恐欲誅不得故選將練兵益加嚴慎深期一戰而捷以彰國威雖邊警久聞恐兵連禍

結然痛加懲創而許和則法人膽懾群醜心驚寇患可除令

聖主懷柔俯允其請虛糜帑金億萬數千里徒勞士卒此奴

才中心之恨事亦即為奴才畢生之恨事也且和議雖經初定後慮尚多隱憂奴才身列行間言之則迹近應援不言又心實

難安積日思維人臣當不避斧鉞何況嫌疑管見所及不得不為我

皇上縷陳之法人狡詐甫敗請和安知非避我銳氣

懈我軍心耶安知非老我將帥糜我帑金耶我初勝而彼請和安知我稍懈而彼不乘隙狡發耶海國遙謀為莫測輪船飄

疾來去難知敵情詐而防不勝防海岸潤而守不勝守和議成後該敵不必防我而該敵易於乘我我不能往攻該敵我不能

不防該敵壽防日久糜費日多將領日衰軍士日懈不數年間元勳宿將壯者老而老者歿一旦有變欲求如今日之能戰能

攻誠不易也即不然而進將練兵另起爐竈勢必緩不濟急較奴才去年之成軍為尤難且訓練隊伍需用槍礮均非急切所

能辦再兵端一開各守公法尤為臨時所不能辦況審時度勢耽耽而視者又不僅一法人也然既經許之大信難失但條約

不可不慎後慮不可不周勿使其獨據利源勿使其得有地勢往歲議和敵屢索賠兵費令無故擾我藩疆侵我內地壞我兵

輪毀我船廠彼豈不應賠償耶再按萬國公法據理力爭彼將何辭以對設從寬免賠則越藩之疆土尺寸不可讓臺灣之法

人一卒不可留越連漁界漁產五金垂涎內犯後患何窮臺雖海島物產富饒乘間相侵全閩何恃得隴望蜀人情類然而況

詭譎之法人乎現在我正撤兵彼反添兵我已退漁粵彼尚紮臺澎不開臺廈海口反禁我接濟船隻何耶即甲退即又開四

礮以擊馮軍新議便違詐情已露如此奸欺殊堪痛恨倘和約稍涉要求仍請一意主戰奴才合滇粵諸軍及所部將領誓拚

犬馬餘生力滅豕狼小醜必動出萬全功成一戰庶我朝柔遠之恩威並周而報國之愚忱略盡使天下臣民廿餘年之

積憤亦得稍抒且法人所恃者槍礮奴才所恃者隊伍槍礮為呆物隊伍乃活人若專賴槍礮與決勝負雖勝而所傷亦多奴

才雖不能用槍礮決不專賴槍礮必率隊直入敵陣短兵相交四面兜剿盡戮之而絕其根株正月二十八日片請添募二

十營者原期厚集兵力擬獨任滅敵復越之責添營雖必添餉滅敵後各省之防餉可輕一勞永逸是添餉尤為省餉計也若

洪逆竊據江南使諸逆各陷各省賊數無算帶隊攻剿無一不戰而破其全軍數年肅清數省滅全逆而致中興如朝廷信奴才於昔委以重兵授以重權勢必復全越而滅法人奴才成軍時已誓諸將不誅法復越必不生入關門况法兵無多即傾國來犯亦斷不及洪逆十中之一分法據越地萬不及東南數省之一隅今昔相較多寡相衡則奴才破之滅之更如拉枯折朽成案可鑒非敢侈張數罔於君父之前也海內臣民無日不以誅法為心而奴才舊部將士亦無日不以滅法為念又不得不望我皇上赫然一怒伸天討而快人心耳奴才賦性愚直責任成行戰事外不敢多言而一片血忱不得不披肝瀝膽詳細直陳伏乞諭令總署深思要議勿失事機致貽後患並令沿海沿江選將練兵議求數事以壯軍心萬不可因和而墮敵殼也夫兵可百年不用而不可一日無備用兵以得將為先選將難而得將尤難募兵易而練兵不易選將貴先選其心性氣力次之心性權誠者勉以忠義授以事宜平時秉性不移臨敵自奮身不顧練兵貴練真隊伍技藝及之隊伍嚴肅者步伐整齊進止如一操演時應既靈對敵自指揮如意所謂恃一人之力而力有限合眾人之力而力無窮滅髮剿擒實由選將得將募兵練兵合群策群力之所致耳前督撫臣曾國藩胡林翼集載軍進如潮湧立似山峙又載軍自成一家不二法門者比也如唐仁廉孫開華婁慶雲忠忠陳由立王衍慶龔占鼐龔鐵牛唐得勝江自康李定明等皆實軍舊部恪遵舊章精練隊伍臨敵皆能力戰去夏奴才奉旨出師八月十三日始奉諭旨招募萬人因居家無現成之勇每

餉之權數千里調將二千累壽餉憂心棘手焦急如焚諸將雖奮勇趕來而器械勇糧動難敷用全軍僅請五成洋槍又皆前膛到未及半乃捐餉挪辦快槍十月二十二日倉猝起程沿途借銀賒米費盡周張不有商號借銀九萬餘金全軍萬難速進且日行冰天雪地仍飭半日行程半日操隊跋涉已艱苦萬端將士仍勇氣百倍一路官民同稱精壯而亦竊喜勝算堪操然數月來艱難憂急實已費盡苦衷非徒奔走馳驅先後覽九員將官百餘兵勇即江直之撥槍子亦未到齊而捐辦之快槍子火更難趕到於此知成軍之難而採辦槍械軍大為尤難苟非平時選將練兵而臨事招募無不貽誤事機以目前之時勢而論戰事尚可忽乎哉茲謹將所部久經戰陣之將領銜名籍貫另繕清單上呈御覽以備選將之用現因馬白糧少兩軍

兵食糧草仍屬難辦故移師廣南就糧勤加訓練恭候聖命

疏陳邊疆文武大臣得人疏光緒十一年

欽差大臣 彭玉麟

馮子材三次出關討平越亂恩威並著此次統軍赴龍桂越軍民聞其至若得慈母稱爲馮青天其軍紀律最好凡關外越人懼法匪游勇之害署關內民人懼各軍騷擾之害者咸來赴訴馮子材亦視若子弟惻然矜憫爲之撫恤示禁告戒諸軍越官越民爭爲耳目敵人舉動常來報知近自北甯遠至西貢皆通消息其軍出關後扶老攜幼簞食壺漿來相探問願供辦軍米鄉導先驅助官軍剿除法人常爲

天朝赤子馮子材毅然自任致書臣等謂若假以事權期以一年肅清全越由今視之全越則未可知若乘勝進兵滇軍東下劉團橫出數月之內必可掃蕩北圻其撤兵之日越民攬轡乞留痛哭不捨隨之入邊者甚多師還以後尚有越官紳阮文庭等數十人到龍具稟請馮軍往剿免遭法人報復殘虐願糾各省義民以爲內應其凱旋龍州商民香燈砲竹迎迓者三十里不絕當聞 旨罷兵之日馮子材以兵機方利敵患方長機會可惜力持不願電函

並至忠憤填膺請上奏阻止謂必須責法人以越地還之越王方可班師嗣經傳示屢次續奉電 旨知成約難改始肯還師在身爲邊將者志滅強虜自是職分當然如該幫辦之忠勇廉惠決機料敵戢軍愛民者之古來名將殆無過此乃

文宗顯皇帝拔擢任用之人留備今日邊關緩急要用到防之日即奉 特旨幫辦軍務士氣爲之一振故得成功至李東衡

素有清望爲果司時吏民久已翕然禱頌及到龍州辦後路即值大局將潰之時此然不動收集吏民嚴禁逃潰前撫臣潘鼎新平日撫馭將吏軍民諸多不洽屢次挫退民怨軍離威令久已不行該護撫臣惟以至誠至公激勵將士楊玉科戰沒與尸過衡無人過問乃親迎其喪痛哭厚殮諸軍咸涕創醫藥局治軍士之陣傷者每日必兩三次察視痊後亦日往一次多賴全活於主客各軍將領苦心調和視同一家糧餉軍火不分東局西局倡導其急者便宜應之在軍自奉刻苦濫費冒支力持不予於戰卹功賞則搜括騰挪力從其厚一無吝惜謹撫

命下之日歡聲雷動桂省官吏軍民若慶更生無論桂軍即慶軍楚軍諸大將無不虛心相聽願爲盡力大抵馮子材李東衡兩臣其忠誠廉直皆同而其得人心亦同一戰之功不足喜而邊疆文武大臣能得人心爲有足恃此後邊防不論有事無事當措置得法該兩臣均膺重任克振大局臣等既確有所知不敢不據實上聞

滇越邊界通商議約疏 光緒十二年三月十三日

李鴻章

竊臣欽奉光緒十一年八月十一日 上諭總理各國事務衙門奏法國使臣來華請派員會議通商章程一摺已另有諭

旨派李鴻章為全權大臣矣此次中法議立滇粵陸路通商章程事係創辦該大臣務當悉心籌畫詳細商議總期周密妥善免致將來窒礙等因欽此仰見 聖謨閣遠 訓示周詳莫名欽感嗣於上年十一月間法國使臣戈可當擬具章程二

十四條呈經總理衙門王大臣逐條簽駁函商到臣經臣督飭津海關道周馥另擬章程十八條緘請總理衙門核奪作為底本十二月初五日戈可當帶同參贊等官來津拜晤當將底本交閱彼此意見懸殊面談數次萬難就緒戈可當因與臣商訂彼此各派員先行會議大略其關緊要及所執各異之處再行面商臣派津海關道周馥候補道廷芳候補知州朱幹臣戈

可當派參贊卜法德繙譯微席葉各將彼此稿本逐條辯論自上年十二月十二日起至本年正月十七日止疊據周馥等與

卜法德微席葉會商多次將彼此稿本分別刪改另訂章程十九條臣復於本年正月十九二十三二十七三十二月初六初九等日面與戈可當詳晰辯論古駁唇焦始得粗有規模經臣鈔稿寄呈總理衙門在案竊惟滇粵陸路通商事係創辦創敢不

懷遵 聖訓悉心籌畫詳細商議惟此次訂章既不能稍違上年四月之新約尤不能與咸豐八年舊約相背彼此防損取益之處各有援引每因一字一句辯論多日難就範圍其在彼所最著意者通商處所不能僅指南處雲南廣西兩省城鎮派領事往駐又進出口洋土貨稅須較各口減半徵收並求在滇粵地方開礦及製造土貨運越南食鹽數大端皆於彼商務有益

意在必行爭之甚力臣以新約第五款雖有貿易限定若干處日後定奪之語而下文仍載明邊界通商處所指定兩處字樣目前斷不能另有增添該使謂中國在北圻各大城鎮設立領事照新約須與法國商酌如中國許彼派領事駐雲南廣西省城則中國在北圻城鎮設領事亦易商辦臣以通商口岸設領事原為照料本國商民而設滇桂省城係屬內地實不便設立領事該使又請將邊界領事准其每年分駐省城數月察看商務臣亦堅不允行該使詞在理窮只以中國在北圻城鎮派領

事一節執定新約內商酌二字曉曉置辦臣思中國此時本不必多派領事徒增耗費因即於此二款訂明先在河內海防二處設立領事其餘各大城鎮隨後商派尚可操縱由我至開礦製造運鹽各節通商以來各國親視已久屢經總理衙門辦阻未行該使欲於章程內添此數條意在決我藩籬攘奪華民生計事關中國內政須保我自主之權屢經嚴詞拒絕該使仍以

奉有外部訓條必將在口製造一節添入與臣再四磋商力執不允該使因請於第三款內法國商民前來通商均照咸豐八年五月十七日中法條約句下添入第七一款蓋咸豐八年約內第七款有工作二字彼欲藉此以塞外部之意既是援引舊

約自不便拒之過甚況自咸豐八年立約迄今已三十年法商並無因工作二字在各口開設製造各廠則滇粵邊界地方亦必不能藉詞設廠製造此法使要求各節均經詳細辨駁之大略也至減稅一節該使初議照現行稅則減徵一半其估價之貨向按值百抽五者改為值百抽二兩五錢臣以新約第六款所載進出邊界應納各稅照現在通商稅則較減之語不過稍為減輕詎能驟減一半只允按照現行稅則減去五分之一其估價之貨援照俄國陸路章程仍應值百抽五不能照減該使謂俄國陸路稅則係照各海關三分減一法國事同一律厚彼薄此深恐貽笑鄰邦臣謂北圻與俄國道途遠近懸殊不能比倒辦論數日該使悻悻形於詞色罷議而去當經臣商准總理衙門電復由臣酌量辦理細查泰西各國通例大都進口稅重出口稅輕無非為暢銷土貨起見中國通商之始未諳各國情形所定稅則進出口均係一律所以洋貨暢銷土貨滯銷但因約章久定不能設法挽回滇桂地方瘠苦物產不饒值此邊界通商尤須維持小民生計以期商務漸旺稅課日增因與戎可當籌商定為出口貨照稅則三分減一進口貨照稅則五分減一若估價之貨為稅則所未載者無論進出口仍照值百抽五徵收至洋土各貨赴內地買賣應完子口稅仍照通行章程辦理不在減徵之列該使已一一遵允均於第六第七兩條載明如此變通辦理庶滇桂土貨可冀暢銷將來如欲修改各國條約加重進口減輕出口各稅亦可發端於此此分別減稅應輕應重之要端也至於在我所應爭者其大要亦有數端一為水陸稅關分清界限查此次陸路通商酌減稅項係專為雲南廣西邊界而設新約第六款既有與通商各口無涉一語自應切實照行以免虧損現於第八第九兩條載明洋土各貨凡在邊關已完稅項復轉運通商各海關者照海關稅則另收正稅不准以邊關單作抵其在邊關所領存票亦只准在邊關抵稅概不發還現銀各守定章可以杜絕一切影射轉輸等弊至洋藥一項新約載明另議專條臣查洋藥流毒已久俄美諸國已議不准販運即英國現議稅局併改新章無非寓禁於徵之意聞法人欲於越南廣種罌粟而緬甸新併於英亦恐洋藥從西侵入偷漏更多因於第十四條載明洋土各藥均不准販運買賣至互交逃犯新約亦載明另議專條查中西律例不同交犯最多糾葛現於第十七款內載明倘有中國人照中國律例無論犯何罪名照會領事官設法拘送庶免藉詞庇匿又僑居越南華民近日頗有以法人徵收身稅為苦者臣力與辦駁該使電告本國許以從寬辦理請不必載入章程因於第四款載明中國人身家財產法國應與最優待西國之人一律不得有其又於第十六款內載明命案賊稅詞訟等件均與法國相待最優

之國之商民無異等語以為將來辦論地步至土司苗蠻地方處洋人前往游歷滋事沿於請護照時載明不能保護其通商處所洋人游歷在百里以內向不請照令改以五十里為限又洋人自用免稅各物舊約漫無限制令更嚴切聲明必係洋人自用數目無多方准免稅如入內地仍照舊章徵稅其餘各條有參照舊約之有較舊約稍便宜者均經再四商辦則於得寸則寸內惟第十一十二兩條係法人在越南收稅辦法臣與詳細推敲附於此次章程之內亦為保衛在越南商張本但恐慮所及或有未周復將會議章程寄交總理衙門王大臣覆核進呈 御覽旋奉電覆章程進呈無改希細酌字句照辦等因近日又可當文函飭駐津領事林椿迭次謁商請將廣西通商處所先定載入章程臣以界務未定不能遽許該使遂請在

第一條註語內聲明諒山以北本年內擇定通商處所字樣以期早日開辦經臣與商總理衙門先行該使來津詳催畫押因將稿本發繕飭由津海關道周馥稅務司德璉琳督同中西繙譯各員詳細校對無訛於三月二十二日齊集公所將中法文章程四分會同畫押鈐印竣事彼此各存正副本二分伏查此次議訂章程自去冬迄今四月於茲往復折辯詳細電商其要求過甚者絕不敢稍與通融而舊日約章所准者亦未便概行拒絕相機因應籌辦營官由票承 廟護隨事與諸大臣和衷商榷得以從容成議而此後恪守定章認真籌辦毋患無形是尤在總理衙門暨源單各督撫臣之操縱得宜也謹將章程正本封送軍機處進呈恭候 批准以便屆時互換其副本咨送總理衙門查核臣原奉全權大臣 諭旨一道敬謹咨繳軍機處備查

法越交涉議定法約疏 四月十九日

李鴻章

竊臣欽奉光緒十年四月初十日 上諭目前最要者約有數端越南世修職貢為我藩屬斷不能因與法人立約致更成

憲必與之切實辨明通商一節若在越南地面互市尚無不可如欲深入雲南內地處處通行將來流弊必多亟應預為杜絕劉永福黑旗一軍屢挫法兵為彼所深恨蓄志驅除自在意中豈可遂其所欲此次法人侵佔越南鮮自彼開我無失和之意

若再索償兵費不特情理所必無亦與各國公法顯背以上各節均與大局極有關繫李鴻章膺此重任宜如何竭力圖維預籌辦論等因欽此仰蒙 聖明指授機宜 訓誠精切感悚莫名又欽奉四月十四日 諭旨鈔示廷臣議覆各摺令

迅速覆奏等因法國水師總兵福祿諾到津於十二月來見所有辨論各節及與商訂簡明條款臣因結摺覆陳不及先詳

細函致總理各國事務衙門請其代進呈

御覽十五夜接准該衙門電稱奉

旨詳加披閱均尚無傷國體事可允

行該大臣即照所擬辦理嗣後詳細條目務當悉心籌畫毋滋流弊欽此先是福祿諾與臣議訂條款即雷請外部示遵十五日午刻該總兵接其外部大臣費理是日晨時覆電云奉國旨于汝全權無須提督利士比來津汝即與李大臣押定等語彼以條款已就無可改易疊催畫押定議適止亦欽奉電

旨准照所擬辦理復將原議五條逐加討論酌改前後款式並按照洋文約款內字句有略宜增損之處與福祿諾詳確定繕寫成帙遂於十七日申時齊集臣行館校對中法文義無訛公

同畫押蓋印各執一本為據謹將約本封送軍機處備查仍照錄清摺恭呈

鑒核竊維法越之事自光緒七年以後曾紀

澤與法外部沙美拉古費理等總理衙門暨臣與法使寶海脫利古等往復辦論案卷盈帙均無成議愈變愈壞迨山西北甯

失陷法鎔大張越南臣民望風降順事勢已無可為和局幾不能保茲幸

聖朝德威遠被由法人自請講解其始願望未

嘗不啻要求未嘗不力經臣反覆辨折迎機勸導彼亦漸就範圍如

諭旨所云職責一節令約內第四款法國約明現與

越南議改條約決不插入傷碍中國威望體面字樣並將以前與越南所立各約關涉東京者盡行銷廢蓋因臣指明法越甲

戌約內不論何國皆無統屬去年新約有

大清國不得預及南國之政等語顯與中國屬藩體制有碍必須刪改據福祿諾

面稱已電告外部令現往越南改約之已德諾照議刪除彼雖不明認為我屬邦但無此等違悖語意越王豈敢藉詞背叛耶

又

諭旨所云通商一節令約內第三款許以毗連北圻邊界法越與內地貨物聽憑運銷並約明日後另遣使臣議定詳

細商約稅則其云北圻邊界必不准深入雲南內地明矣查向來紅江上游中外商人運銷貨物出入滇境往來不絕本未苛

禁將來互市自可在北圻邊界擇要設關收稅安立章程似覺無甚流弊又

諭旨所云兵費宜拒一節該國上下處心積

慮本欲訛索兵費六百萬磅即各國新報私議皆為是言臣預屬稅務司德瑾琳道員為建忠等多方開導復當面嚴詞厲色

力與駁斥令約內載明情願不向中國索償尚屬恭順得體足以風示各國中國許以北圻邊界運銷貨物為有益法國商務

俾該外部得有詞以謝議紳亦為中法和好互讓之據至劉永福黑旗一軍從前乘法兵單寡之時屢殲法將法人恨之切齒

必欲報復上年曾紀澤迭與該外部商論由中國設法解散約束而法廷添兵攻取意不稍回去冬克山西黑旗精銳傷亡甚

多已受大創今春劉永福募四千人援北甯亦不戰而潰其禦大敵何怯也華人專採虛聲發欲倚以制法法人固深知其無